

**Suliffeqanngitsunut matchgruppe 1-imiittunut erngerluni sulilersitsiniartarneq atorneqartalertuuppat aningaasaqarnikkut, allaffissornikkullu kingunerisassai misissorniartugit nassuiaasiornissamut Naalakkersuisut peqquneqarnissaannik Inatsisartut aalajangiiffigisassaattut siunnersuut. Nassuiaat UKA2021-mi Inatsisartunut agguanneqassaaq.**

(Inatsisartunut ilaasortaq Simigaaq Heilmann, Demokraatit)

### **Akissutitut allakkiaq**

(Suliffeqarnermut, Iisimatusarnermut Avatangiisinullu Naalakkersuisoq)

Suliffissaaleqisunik erngerluni sulilersitsiniarnerup kingunerisaanik nassuaasiornissaaq pillugu siunnersuutaanut Inatsisartuni ilaasortaq Simigaaq Heilmann Naalakkersuisut qutsavigaat.

Ilittuulli Naalakkersuisut suli aamma isumaqarput kikkut tamarmik pisinnaasut inuiaqatigiinnut ilalersuisuunerat nunatta ilorraap tungaanut ineriartortitaaneranut aalajangiisuusooq. Tamatuma saniatigut inuusuttut amerlanerit ilinniagaqalernissamut kaammattorneqassasut suliaqarfigisatut sammisaraarput. Inuiaqatigiit innuttaasunik inooqatigisanik pisariaqartitsineranni inuusuttut suliffissaaleqillutik inuunerat inooqatigisatsinnut inuusuttut, imaluunniit inuiaqatigiit akuuffigisatta iluaqutigisinnaangilaat.

Ingammik utoqqartatta, inuit innaarluutillit, kiisalu inooqatigisatta nappaateqartut isumassorlugillu paarinerinut tunngatillugu, suliassaqarfiusumut isumalluutit suli amerlanerit, assattut kissalaarnermik nassataqartutut ittut tamatigut naleqartinneqassagunarput. Taamaattorli suliassat tamakku imatut iluseqarneri, piviusutut suliaqarnertut illutik Naalakkersuisut isumaqarfigaat, aammalu inuit suliassamik isumaginnittussat piviusutut suliaqarfigisassavaat, suliassap pisinnaatitsiffigisaatut aningaasarsiat, aammalu pisinnaatitaaffiit pisussaaffillu ilanngullugit.

Inuup utoqqaanerusup kiserliortup inummik allamik inooqatigiinnikkut attaveqarfiginissaa qularnanngitsumik nuannaarutigalugulu iluaqutigissavaa, uannulli aalajangiisooq tassaavoq tassaassanngimmat pinerit tamaasa takusaasartup inuup allaasarnissaa, pineqartoq kingullermik takusaasimasoq erngerluni sulilersitaasimasoq maannakkut suliffittaarsimalerana pissutaalluni. Taamatut aamma inunnut innarluutilinnut, imaluunniit inooqataasunut immikkut ittunik pisariaqartitsisunut pisoqartassaaq, taakku aalaakkaasumik attaveqarfissaaq pisariaqartippaat. Nunami saliinerit, utoqqaallu inigisaata eqqaani aputaajaanerit, tamakkuusinnaapput erngerluni sulititsinernut innersuussutaasinnaasut.

Ukiormanna aggustimi nunami tamakkiisutut sulinissamut piareeqqasutut suliffissarsiorlut 868-iupput, taakkunanit 323-t nunaqarfinni najugaqartuullutik. Taamaattorli kisitsisit nangaanartoqarput. Assersuutigalugu aalisakkanik suliffissuaq ullormut inunnik 50-inik suliffeqartitsisoq ullualunni nioqutissiassat amigaataaneri pissutigalugit akunnermusiallit angerlartissappagit inuit taakku 50-it

suliffissarsiortutut nalunaarsugaassapput. Aallaaviatigut sulisut angerlartitaasut suliffissaarunnermi ikiorsiissutisinnissamut pisinnaatitaaffeqassapput, iliuusissanilli pilersaarusiortoqaraniluunniit piginnaangorsarnissamut pikkorissartinnissaannik neqerooruteqartoqassanngilaq. Inuit taakku ajornangippat erngerluni sulilersitaanissaq pillugu piumasaqaateqarfiussanngillat, suliffissaaleqinerammi qaangiuteqqissallunilu killilimmik sivisussuseqassaaq. Patsisaasoq tassaavoq inuit taakku suliarortoqqinnissaminnut aalisakkanik suliffissuup ammarnissaanik utaqqinnarnerat.

UPA 2021-mi naalackersuisoqarfiit akimorlugit suliniutip: Annertunermik Imminut Pilersugarineq-up suliarinerata inerneranik Naalackersuisut saqqummiussisinnanissartik naatsorsuutigaat, aammalu pisortat ikiorsiissutaannut malittarisassianut nutaanut, aammalu suliffissarsiortermit ikiorsiissutinik nutaarluinnarnut inatsisissatut siunnersuummik saqqummiussiniarput.

Kikkut tamarmik inuiaqatigiinnut akuuffigisatsinnut iliuuseqarnissaat pillugu Naalackersuisut kissaateqarlutillu naatsorsuuteqarpiarnerat pissutigalugu suliffissarsiortunut piareersimasussatut pisussaaffeqarnermut piumasaqaatit ikiorsiissutinik iluarsaassinerup ilaatut annertusarnissaat siunertaavoq. Suliffeqarfimmi illua'tungerisanit aamma kommuninit tapersersuisoqassasoq naalackersuinikkut anguniagaavoq. Inummut suliffissaaleqineq pissutigalugu aningaasaqarnikkut tapiiffigineqarnissamik qinnuteqartumut pisussaaffigisassanik taakkuningga piumasaqaataasinnaasunik kikkut tamarmik malittarinninnissaat qularnaarusupparput. Suliffissaaleqisoq pisinnaagaluarluni iliuuseqarusunngitsoq toqqaannartunik pineqaatissartalerneqassaaq. Tamanna Nunat Avannarlerni suliffeqarfinni allani assinguvoq, taakkunani najoqqutassaq tassaalluni suliffissaaleqinermi ikiorsiissutisinnut suliffissarsiortunut piumasaqaateqartarneq, aammalu suliffissarsiortup piareersimasussatut pisussaaffigisaminik unioqqutitsinera allanik tapiissutisinnissamut periarfissaqartinnagu mattussaagallarneranik kinguneqartitsisarneq. Aammattaaq suliffissarsiortermit ikiorsiissutinut nutaanut suliffissaaleqinermi ikiorsiissutit iluarsaanneranni aaqqiinernik ilanngussuisoqassasoq siunertarineqarpoq, taakkulu qularnaassavaat innuttaasut sulisinnaassuseqarlutik suliffissaaleqisut tamarmik iliuusissanut pilersaaruteqarnissaat, aammalu iliuusissanut pilersaarummi iliuuserisaasuni peqataanissaminnut pisussaaffilernissaat.

Kalaallit Nunaanni Naatsorsueqqissaartarfimmit kisitsisit nutaat kingulliit takutippaat suliffissarsiortuni taakkunani 60 %-ingajaat qaammatini 1-3-ni suliffissaaleqisarnerat. Taamaattumik amerlanerpaat piaartumik suliffeqaleqqittarnerat tamatuma takussuserpaa. Taamaattumik Naalackersuisut periarfissatut soqutigivaat Erngerluni sulilersitaanissaq misissussallugu, ingammik inuusuttorpasuit suli ilinniagaqalersimannngitsut aammalu suliffeqanngitsut.

Siuliani eqqartorneqartut tunngavigalugit siunnersuutip akuerineqarnissaa Naalackersuisut inassutigaaq.